

Inti Pati Kajian Pengesanan Graduan Susulan (SKPG II) 2011

PENGENALAN

Kajian Pengesanan Graduan Susulan (SKPG II) 2011 merupakan kaji selidik susulan kedua yang telah dijalankan oleh Kementerian Pengajian Tinggi (KPT) terhadap graduan yang telah tamat pengajian lebih setahun. Kajian susulan pertama telah dijalankan pada tahun 2008. Ia merupakan pelengkap kepada Kajian Pengesanan Graduan Destinasi Pertama (SKPG I) yang dijalankan oleh KPT sejak tahun 2006 bersempena dengan majlis konvokesyen IPT masing-masing. Data SKPG I telah menjadi satu gedung maklumat dan sumber rujukan utama berkaitan kebolehdapatan kerja graduan baru. Pelaksanaan SKPG II adalah bagi melengkapkan lagi maklumat berkaitan pekerjaan dan perkembangan kerjaya graduan yang telah berada lebih lama dalam pasaran kerja. Kajian susulan ini juga bertujuan bagi mendapat maklum balas berkaitan hubungan kait bidang pengajian yang telah diikuti oleh graduan dengan pekerjaan mereka sekarang. Selain itu, kaji selidik ini juga cuba meninjau maklumat berkaitan graduan yang tidak bekerja dan sedang aktif mencari pekerjaan, graduan yang tergolong sebagai Orang Kurang

Upaya (OKU), graduan yang pernah mengikuti Skim Latihan Graduan (SLG) dan graduan yang bekerja sendiri.

Kajian Pengesanan Graduan Susulan yang dijalankan pada September hingga Disember 2011 ini telah disertai oleh 69,248 graduan. Bagaimanapun setelah pembersihan data, jumlah responden yang sah ialah 69,023 orang. Sasaran utama kajian ini adalah graduan 2006 – 2010, iaitu graduan IPT negara yang dilahirkan selepas tertubuhnya KPT. Tambahan pula, profil kumpulan ini telah tersedia dalam pangkalan data Kementerian. Namun begitu, kaji selidik ini juga terbuka kepada semua graduan yang memegang sijil pasca SPM, diploma dan ke atas yang berumur 18 – 64 tahun yang masih aktif mencari pekerjaan. Antara objektif utama kajian ini ialah untuk melihat perubahan dalam status dan maklumat pekerjaan graduan seperti sektor, taraf, pendapatan bulanan graduan dan peranan bidang pengajian yang diikuti dalam pekerjaan sekarang. Di bawah ini disenaraikan beberapa inti pati dapatan kajian yang telah dijalankan.

PROFIL RESPONDEN SKPG II 2011

- Tiga kumpulan terbesar graduan yang mendaftar dalam kaji selidik SKPG II 2011 adalah graduan 2009 (34.4%), diikuti lulusan 2010 (25.8%) dan graduan 2008 (22.3%). Selebihnya, iaitu 17.5 peratus adalah graduan 2007 dan sebelumnya. Berdasarkan keseluruhan 69,023 responden, 38.1 peratus adalah graduan lelaki dan 61.9 peratus adalah perempuan.
- Lulusan diploma adalah kumpulan terbesar yang mendaftar, iaitu sebanyak 45.5 peratus, diikuti graduan ijazah pertama (37.5%), lulusan sijil (12.6%), graduan sarjana (3.5% dan peringkat pengajian lain sebanyak 0.9 peratus.
- Sebanyak 66.2 peratus responden adalah graduan IPTA, 18.9 peratus graduan politeknik, 12.3 peratus graduan IPTS, graduan kolej komuniti (1.9%), institusi latihan lain (0.6%) dan sebanyak 0.1 peratus lulusan luar negara yang telah menyertai kajian susulan 2011.
- Mengikut bidang pengajian utama, 43.4 peratus adalah responden dalam bidang sastera dan sains sosial, diikuti lulusan bidang teknik (30.0%) dan bidang sains (13.2%). Lulusan bidang teknologi maklumat dan komunikasi, dan bidang pendidikan pula masing-masing mewakili 8.7 peratus dan 4.7 peratus.
- Majoriti graduan yang menyertai kajian adalah terdiri daripada kaum Melayu, iaitu 79.0 peratus, diikuti graduan berketurunan Cina sebanyak 12.1 peratus, Bumiputera lain sebanyak 5.9 peratus, graduan berketurunan India (2.9%) dan lain-lain kaum sebanyak 0.2 peratus.
- Mengikut pendapatan bulanan keluarga responden, 50.6 peratus responden berada dalam kumpulan pendapatan bulanan keluarga RM2000 dan ke bawah, 23.5 peratus berada dalam selang pendapatan bulanan keluarga RM2001 – RM3000 dan 25.9 peratus lagi berada dalam kumpulan pendapatan bulanan keluarga melebihi RM3000.

- Majoriti responden kajian, iaitu 65.6 peratus berada dalam kumpulan umur 20 – 25 tahun, 27.8 peratus berumur 26 – 30 tahun, 2.9 peratus berada dalam selang umur 31 – 35 tahun, dan 3.7 peratus lagi berumur 36 tahun dan ke atas.
- Majoriti responden, iaitu 81.7 peratus berstatus bujang, 18.0 peratus berstatus berkahwin dan selebihnya, iaitu 0.3 peratus berstatus bercerai/berpisah/balu/duda.
- Tiga negeri yang mencatat peratus tertinggi sebagai tempat responden bermastautin adalah Selangor (22.5%), Johor (9.8%) dan Perak (8.6%).

MAKLUMAT PEKERJAAN RESPONDEN SKPG II 2011

- Secara keseluruhan, 62.7 peratus responden bekerja, dengan 57.8 peratus bekerja sepenuh masa dan 4.9 peratus bekerja separa masa. Selain itu, 12.8 peratus melanjutkan pengajian, 2.5 peratus menunggu penempatan pekerjaan dan 22.0 peratus tidak bekerja.
- Kadar bekerja dalam kalangan responden lelaki adalah 66.8 peratus, manakala bagi responden perempuan adalah 60.2 peratus,


iaitu 6.6 peratus kurang daripada kadar bekerja bagi responden lelaki.

- Hasil kajian menunjukkan kadar bekerja meningkat dengan peningkatan tempoh graduan berada dalam pasaran pekerjaan. Mengikut tahun konvokesyen, kadar bekerja pada tahun 2011 adalah tertinggi dalam kalangan graduan 2006, iaitu 83.3 peratus, diikuti 74.8 peratus bagi graduan 2007, sebanyak 66.6 peratus bagi graduan 2008 dan 59.5 peratus bagi graduan 2009, manakala kadar terendah adalah dalam kalangan graduan 2010, iaitu 53.7 peratus.
- Kadar bekerja mengikut peringkat pengajian didapati sangat bergantung kepada tahap kelayakan akademik graduan. Kadar bekerja adalah tertinggi bagi graduan peringkat Ph.D, iaitu 96.4 peratus, diikuti sebanyak 83.3 peratus bagi lulusan sarjana, ijazah pertama (72.5%), diploma (53.9% dan lulusan sijil (57.2%).
- Status pekerjaan bagi keseluruhan responden ijazah pertama 2006 – 2010 adalah 72.6 peratus bekerja, 10.0 peratus melanjutkan pengajian, 2.4 peratus menunggu penempatan pekerjaan dan 15.0 peratus tidak bekerja.

- Kadar tidak bekerja pada tahun 2011 dalam kalangan graduan ijazah pertama menurun dengan ketara berbanding semasa konvokesyen. Bagi graduan ijazah pertama 2006, kadar tidak bekerja adalah 7.5 peratus, iaitu menurun sebanyak 28.9 peratus berbanding semasa kajian konvokesyen. Manakala bagi graduan 2007, kadarnya menurun daripada 29.7 peratus semasa konvokesyen kepada 9.3 peratus pada tahun 2011. Bagi graduan 2008 – 2010 pula, kadar tidak bekerja juga turut menurun, bagaimanapun peratus penurunannya tidak sebesar seperti yang ditunjukkan oleh graduan 2006 dan graduan 2007.
- Didapati kadar bekerja bagi graduan diploma pada tahun 2011 meningkat berbanding semasa konvokesyen bagi semua kohort kecuali bagi kohort 2010, iaitu menurun sedikit. Bagi keseluruhan lulusan diploma 2006 – 2010, sebanyak 53.8 peratus bekerja pada tahun 2011, 16.3 peratus melanjutkan pengajian, 2.9 peratus menunggu penempatan pekerjaan dan 26.9 peratus tidak bekerja.
- Diperhatikan kadar tidak bekerja bagi semua kohort lulusan diploma tidak banyak berubah berbanding kajian semasa konvokesyen.

Sektor Pekerjaan Responden

- Sektor swasta tempatan merupakan pembekal pekerjaan utama kepada keseluruhan responden, iaitu 39.9 peratus yang bekerja dalam sektor tersebut, diikuti 24.0 peratus bekerja dalam sektor kerajaan dan sektor swasta multinasional (21.2%). Selebihnya bekerja dalam sektor badan berkanun (7.2%), syarikat berkaitan kerajaan (GLC) sebanyak 4.8 peratus dan 2.9 peratus lagi dalam pelbagai sektor lain.
- Bagi lulusan Ph.D, sebanyak 80.7 peratus bekerja dalam sektor kerajaan dan badan berkanun, 16.3 peratus bekerja dalam sektor swasta (tempatan dan multinasional), GLC (2.5%) dan NGO (0.6%).
- Bagi lulusan sarjana pula, sebanyak 63.3 peratus bekerja dalam sektor kerajaan dan badan berkanun, 29.0 peratus dalam sektor swasta (tempatan dan multinasional), GLC (6.6%), NGO (0.8%) dan sektor perusahaan sendiri (0.3%).
- Sebanyak 42.5 peratus graduan ijazah pertama 2006 – 2010 bekerja dalam sektor kerajaan dan badan berkanun pada tahun 2011, diikuti 31.5 peratus menyertai sektor



swasta tempatan, 18.3 peratus dalam sektor swasta multinasional dan 7.7 peratus lagi dalam pelbagai sektor lain.

- Penyertaan graduan ijazah pertama dalam sektor kerajaan dan badan berkanun pada tahun 2011 meningkat dengan ketara berbanding semasa konvokesyen. Bagi graduan 2006, sebanyak 55.9 peratus menyertai sektor tersebut pada tahun 2011, iaitu meningkat sebanyak 23.6 peratus berbanding semasa konvokesyen. Peningkatan ini turut ditunjukkan oleh graduan 2007, iaitu meningkat daripada 27.8 peratus kepada 52.9 peratus pada tahun 2011.
- Sebanyak 75.0 peratus graduan diploma 2006 – 2010 bekerja dalam sektor swasta (tempatan dan multinasional) pada tahun 2011, manakala 16.8 peratus bekerja dalam sektor kerajaan dan badan berkanun. Selebihnya, 8.2 peratus bekerja dalam pelbagai sektor.
- Didapati peratusan graduan diploma 2006 yang menyertai sektor kerajaan dan badan berkanun pada tahun 2011 adalah tinggi, iaitu meningkat daripada 16.8 peratus semasa konvokesyen kepada 38.5 peratus. Bagaimanapun

bagi graduan 2007 – 2010, perubahan penyertaan dalam sektor pekerjaan semasa konvokesyen dan pada tahun 2011 tidak begitu ketara.


Taraf Pekerjaan Responden

- Secara keseluruhan, sebanyak 65.3 peratus responden yang bekerja mempunyai pekerjaan bertaraf tetap, 20.6 peratus bekerja bertaraf kontrak, 12.0 peratus pekerja sementara, 1.2 peratus bekerja sendiri dan 0.9 peratus lagi bekerja dengan keluarga.
- Sebanyak 85.8 peratus lulusan Ph.D bekerja bertaraf tetap, 12.3 peratus bekerja secara kontrak, 0.6 peratus bertaraf sementara dan 1.2 peratus bekerja sendiri.
- Bagi lulusan sarjana, 86.1 peratus bekerja bertaraf tetap, 8.4 peratus bekerja secara kontrak, 4.2 peratus secara sementara, 0.9 peratus bekerja sendiri dan 0.2 peratus bekerja dengan keluarga.
- Majoriti lulusan ijazah pertama 2006 – 2010, iaitu sebanyak 71.8 peratus bekerja bertaraf tetap, diikuti pekerja kontrak sebanyak 17.8 peratus dan bertaraf sementara, 9.1 peratus. Selain itu, 0.8 peratus bekerja sendiri dan 0.5 peratus lagi bekerja dengan keluarga.

- Peratus responden ijazah pertama yang bekerja tetap adalah lebih tinggi pada tahun 2011 berbanding semasa konvokesyen. Bagi graduan 2006, peratus yang bekerja tetap pada tahun 2011 adalah sebanyak 82.3 peratus, meningkat sebanyak 15.8 peratus berbanding semasa konvokesyen. Graduan 2007 – 2010 juga menunjukkan peratus yang bekerja tetap adalah lebih tinggi berbanding semasa konvokesyen. Bagaimanapun peningkatannya didapati mengecil dengan berkurangnya tempoh graduan berada dalam pasaran kerja.
- Sebanyak 57.6 peratus graduan diploma 2006 – 2010 mempunyai pekerjaan bertaraf tetap pada tahun 2011, diikuti 25.7 peratus bertaraf kontrak, 14.3 peratus bekerja sementara, 1.3 peratus bekerja sendiri dan 1.1 peratus bekerja dengan keluarga.
- Didapati bagi lulusan diploma 2006 – 2010, peratus yang bekerja tetap pada tahun 2011 juga meningkat berbanding semasa konvokesyen kecuali bagi kohort 2009, di mana terdapat sedikit penurunan.

Pendapatan Bulanan Responden

- Sebanyak 98.8 peratus lulusan Ph.D berpendapatan bulanan melebihi RM3000 dan 1.2 peratus lagi berada dalam selang pendapatan bulanan RM2001 – RM3000 pada tahun 2011.
- Majoriti, iaitu 76.7 peratus, lulusan sarjana memperoleh pendapatan bulanan melebihi RM3000, diikuti 18.6 peratus berada dalam selang pendapatan bulanan RM2001 – RM3000 dan 4.6 peratus lagi dalam kumpulan pendapatan bulanan RM2000 dan ke bawah.
- Secara keseluruhan, sebanyak 44.3 peratus responden ijazah pertama berada dalam selang pendapatan bulanan RM2001 – RM3000, diikuti 26.1 peratus lulusan dalam selang pendapatan bulanan melebihi RM3000, 22.6 peratus dalam selang pendapatan RM1001 – RM2000 dan selebihnya, iaitu 6.9 peratus memperoleh pendapatan bulanan RM1000 dan ke bawah.
- Bagi graduan ijazah pertama 2006, sebanyak 46.0 peratus berada dalam pendapatan bulanan melebihi RM3000 pada tahun 2011 berbanding hanya 4.1 peratus




semasa konvokesyen. Bagi graduan 2007 pula, sebanyak 38.2 peratus berada dalam kumpulan pendapatan bulanan melebihi RM3000 berbanding 6.0 peratus semasa konvokesyen. Diperhatikan juga peratus yang memperoleh pendapatan bulanan melebihi RM3000 turut meningkat secara sederhana bagi graduan 2008 dan graduan 2009, manakala bagi graduan 2010 perubahannya tidak ketara.

- Secara keseluruhan, sebanyak 53.4 peratus responden diploma berada dalam kumpulan pendapatan bulanan RM1001 – RM2000 pada tahun 2011, diikuti 27.4 peratus dalam selang pendapatan RM2001 – RM3000, 16.4 peratus memperoleh pendapatan RM1000 dan ke bawah dan selebihnya, iaitu 2.9 peratus lagi berada dalam kumpulan pendapatan bulanan melebihi RM3000.
- Bagi lulusan diploma 2006 dan 2007, peratus yang berpendapatan bulanan RM2001 dan ke atas pada tahun 2011 masing-masing 53.1 peratus dan 40.1 peratus berbanding 6.3 peratus semasa konvokesyen bagi kedua-dua kohort. Peningkatan ini turut diperhatikan pada graduan 2008 – 2010, bagaimanapun peratus

peningkatannya adalah kecil berbanding graduan yang lebih lama berada dalam pasaran kerja.

- Didapati pendapatan bulanan responden ijazah pertama sangat berkait rapat dengan pendapatan bulanan keluarga mereka. Umumnya graduan yang mempunyai keluarga berpendapatan tinggi turut memperoleh pendapatan yang tinggi juga. Bagi responden ijazah pertama yang mempunyai keluarga berpendapatan bulanan RM1500 dan ke bawah, sebanyak 53.3 peratus turut memperoleh pendapatan bulanan dalam kategori yang sama. Sebaliknya bagi responden yang menyatakan pendapatan bulanan keluarga melebihi RM3000, sebanyak 52.9 peratus berpendapatan bulanan dalam kategori pendapatan yang sama.
- Diperhatikan juga terdapat hubungan yang rapat antara pendapatan bulanan keluarga dan pendapatan bulanan responden diploma. Dalam kalangan responden diploma yang menyatakan pendapatan bulanan keluarga mereka RM1500 dan ke bawah, sebanyak 53.8 peratus memperoleh pendapatan bulanan dalam



kategori yang sama. Sebaliknya bagi responden yang mempunyai keluarga berpendapatan bulanan melebihi RM3000 pula, 23.7 peratus memperoleh pendapatan bulanan RM1500 dan ke bawah, 28.4 peratus dalam selang pendapatan RM1501 – RM2000 dan 47.8 peratus berpendapatan melebihi RM2000.


Maklumat Pekerjaan Pertama Responden Ijazah Pertama dan Diploma

- Sebanyak 62.1 hingga 73.4 peratus responden ijazah pertama 2006 – 2010 yang bekerja mendapat pekerjaan pertama dalam tempoh 3 bulan setelah menamatkan pengajian, dengan peratus terendah adalah dalam kalangan graduan 2006 dan tertinggi bagi graduan 2008.
- Didapati kekerapan graduan bertukar kerja meningkat dengan peningkatan tempoh mereka berada dalam pasaran pekerjaan. Peratus responden ijazah pertama yang telah bertukar kerja sekurang-kurangnya sekali sehingga menjawat pekerjaan sekarang adalah antara 40.0 – 58.4 peratus, dengan peratus tertinggi adalah dalam kalangan graduan 2006 dan terendah adalah dalam kalangan graduan 2010.

- Majoriti, iaitu antara 60.4 – 85.6 peratus, responden diploma 2006 – 2010 yang bekerja mendapat pekerjaan pertama dalam tempoh 3 bulan setelah menamatkan pengajian.
- Graduan diploma 2010 mencatatkan peratus tertinggi, iaitu sebanyak 51.5 peratus, yang telah bertukar kerja lebih daripada sekali sehingga menjawat pekerjaan sekarang, manakala peratus terendah dicatatkan oleh graduan 2009, iaitu 29.8 peratus.

Keaktifan Mencari Pekerjaan Lain dalam Kalangan Responden Ijazah Pertama dan Diploma yang Bekerja

- Diperhatikan peratus graduan yang masih mencari pekerjaan lain pada tahun 2011 adalah tinggi, iaitu 49.8 peratus bagi responden ijazah pertama dan 61.9 peratus bagi responden diploma.
 - Peratus graduan ijazah pertama dan juga diploma yang masih mencari pekerjaan lain didapati tertinggi dalam kalangan graduan 2009 dan 2010, dan peratusnya didapati menurun dengan peningkatan tempoh graduan berada dalam pasaran kerja.
- 



Kerelevanan Bidang Pengajian dengan Pekerjaan Sekarang bagi Responden Ijazah Pertama dan Diploma

- Terdapat antara 66.2 hingga 76.6 peratus graduan ijazah pertama 2006 – 2010 menyatakan program pengajian di IPT membantu atau sangat membantu dalam pekerjaan sekarang, dengan kohort 2007 mencatatkan peratus tertinggi dan peratus terendah adalah bagi kohort 2010.
- Bagi graduan diploma pula, antara 57.1 hingga 74.0 peratus menyatakan program pengajian di IPT membantu atau sangat membantu dalam pekerjaan sekarang, dengan peratus tertinggi dicatatkan oleh kohort 2009 dan terendah bagi kohort 2010.
- Kumpulan terbesar adalah lulusan diploma (55.5%), diikuti lulusan ijazah pertama (25.9%), lulusan sijil (17.4%), sarjana (0.9%) dan selebihnya, iaitu 0.3 peratus terdiri daripada graduan peringkat pengajian lain.
- Tiga negeri utama tempat responden tidak bekerja bermastautin adalah Selangor (17.1%), diikuti Kelantan (11.7%) dan Kedah (9.7%).
- Tiga sebab utama yang diberikan oleh graduan mengapa mereka masih tidak bekerja adalah kerana sedang mencari pekerjaan (75.8%), sedang menunggu panggilan kerja (6.0%) dan penamatan kontrak (3.2%).

MAKLUMAT BERKAITAN RESPONDEN YANG TIDAK BEKERJA

- Seramai 15,196 graduan tidak bekerja mendaftar dalam kajian susulan 2011 dengan 40.4 peratus adalah graduan 2009, diikuti 24.6 peratus adalah graduan 2010, graduan 2008 (23.2%) dan selebihnya terdiri daripada graduan 2007 dan sebelumnya. Daripada jumlah tersebut, 32.6
- Internet merupakan sumber utama, iaitu sebanyak 81.1 peratus responden menggunakan kemudahan ini bagi mendapatkan maklumat berkaitan kekosongan pekerjaan, diikuti media elektronik (4.4%) dan media cetak/iklan (4.0%). Peratus yang menggunakan agensi pekerjaan, Jabatan Tenaga Kerja atau karnival kerjaya adalah kecil, iaitu tidak melebihi 3 peratus.

- Tiga program latihan tambahan yang menjadi pilihan utama responden bagi meningkatkan kemahiran diri dan seterusnya membuka peluang untuk mendapat pekerjaan adalah program bahasa Inggeris, diikuti program kemahiran interpersonal dan pembangunan kerjaya.
- Sebanyak 24.9 peratus responden tidak bekerja tidak pernah menghadiri temu duga pekerjaan, 50.1 peratus pernah menghadiri temu duga sebanyak 1 – 3 kali, manakala 25.0 peratus lagi pernah menghadiri temu duga lebih daripada 3 kali.
- Kebanyakan responden tidak bekerja mengharap gaji bulanan yang berpatutan. Bagi responden diploma dan ijazah pertama, peratus tertinggi mengharap gaji bulanan pada selang RM1501 - RM2000, iaitu 32.9 peratus bagi lulusan diploma dan 42.4 peratus bagi lulusan ijazah pertama. Bagi responden sarjana pula, peratus tertinggi mengharap gaji bulanan dalam selang RM2001 - RM2500, iaitu 22.6 peratus. Mengikut jantina, responden lelaki lebih cenderung mengharap gaji yang lebih tinggi.

MAKLUMAT BERKAITAN RESPONDEN YANG PERNAH MENGIKUTI SKIM LATIHAN GRADUAN (SLG)

- Seramai 2,536 responden kajian susulan 2011 pernah mengikuti Skim Latihan Graduan (SLG), dengan 36.8 peratus adalah graduan 2010, diikuti graduan 2009 (31.3%), graduan 2008 (13.6%), dan selebihnya adalah graduan 2007 dan sebelumnya.
- Terdapat lima skim latihan yang mencatatkan peratus tertinggi yang telah diikuti oleh responden, iaitu Skim Latihan Siswazah (19.0%), Skim Latihan 1Malaysia (6.2%), PSDC-Graduate Reskilling Scheme (ICT/SME) sebanyak 2.1 peratus, Graduate Reskilling Scheme in Contact/Call Center Management dan Sijil Bahasa Inggeris, masing-masing sebanyak 1.9 peratus.
- Responden ijazah pertama adalah kumpulan terbesar yang pernah menyertai SLG, diikuti oleh graduan peringkat diploma. Graduan peringkat pengajian yang lain mencatat kurang daripada tiga peratus.

- Kadar bekerja dalam kalangan responden yang pernah mengikuti SLG adalah 64.2 peratus, iaitu 0.2 peratus melebihi responden yang tidak pernah mengikuti SLG. Manakala kadar tidak bekerja bagi kumpulan SLG adalah 21.5 peratus, iaitu 5.4 peratus melebihi kumpulan bukan SLG.
- Dalam kalangan responden SLG yang bekerja, 24.1 peratus menyertai sektor kerajaan, iaitu sebanyak 8.5 peratus kurang daripada responden bukan SLG yang bekerja dalam sektor yang sama. Sebaliknya bagi penyertaan dalam sektor swasta (tempatan dan multinasional), peratus responden SLG adalah lebih tinggi sedikit, iaitu 55.7 peratus berbanding 50.7 peratus bagi responden bukan SLG.
- Sebanyak 30.6 peratus responden SLG bekerja secara kontrak, iaitu 14.5 peratus lebih tinggi daripada graduan bukan SLG. Bagi pekerjaan bertaraf tetap pula, peratus responden SLG adalah lebih rendah, iaitu 60.3 peratus berbanding 74.9 peratus bagi responden bukan SLG.
- Sebanyak 25.8 peratus responden ijazah pertama yang pernah mengikuti SLG berada dalam kumpulan pendapatan bulanan RM2501 dan ke atas, jauh lebih rendah berbanding dengan peratusan responden bukan SLG dalam kumpulan pendapatan yang sama, iaitu 49.9 peratus.
- Bagi responden diploma SLG pula, sebanyak 17.2 peratus berada dalam kumpulan pendapatan bulanan RM2001 dan ke atas berbanding 25.6 peratus bagi graduan bukan SLG yang berada dalam kumpulan pendapatan yang sama.
- Sebanyak 54.7 peratus responden SLG menyatakan program yang diikuti membantu atau sangat membantu dalam mendapatkan pekerjaan. Bagaimanapun dalam kalangan responden yang bukan SLG pula, didapati peratus yang beranggapan program SLG boleh membantu atau sangat membantu adalah tinggi sedikit, iaitu 59.6 peratus.
- Didapati 62.3 peratus responden yang tidak pernah mengikuti program SLG menyatakan mereka tidak mengetahui tentang kewujudan skim ini, manakala

sebanyak 37.7 peratus pula mengetahui tentangnya tetapi tidak berminat untuk menyertainya.

MAKLUMAT BERKAITAN RESPONDEN BEKERJA SENDIRI

- Seramai 507 responden yang menyertai kajian susulan 2011 bekerja sendiri, dengan kumpulan terbesar adalah lulusan peringkat diploma (44.6%), diikuti graduan ijazah pertama (30.4%), sijil (19.5%), sarjana (3.7%) dan lain-lain peringkat (1.8%). Daripada jumlah tersebut, 58.8 peratus adalah graduan lelaki dan 41.2 peratus adalah perempuan.
- Lulusan bidang sastera dan sains sosial mewakili 50.9 peratus, diikuti lulusan bidang teknik (32.1%), teknologi maklumat dan komunikasi (8.5%), lulusan bidang sains (6.7%) dan bidang pendidikan (1.8%).
- Sebanyak 52.0 peratus responden menyatakan sumber modal bagi memulakan perniagaan mereka adalah dari sumber sendiri, diikuti daripada keluarga (27.3%), rakan kongsi (12.4%), pinjaman dari pelbagai bank (2.0%) dan selebihnya daripada pelbagai sumber lain.
- Terdapat 56.8 peratus responden menyatakan jumlah modal mereka bagi memulakan perniagaan adalah RM10,000 dan ke bawah, 36.3 peratus dalam selang modal RM10,001 – RM100,000 dan 6.8 peratus lagi mengguna modal permulaan melebihi RM100,000.
- Sebanyak 33.0 peratus responden bekerja sendiri pernah mengikuti kursus keusahawanan.
- Empat cabaran utama yang dihadapi oleh responden yang bekerja sendiri ialah bagi mendapatkan modal (33.2%), diikuti bagi mendapatkan pelanggan (21.8%), masalah berkaitan pasaran (20.5%) dan persaingan (20.0%).
- Lima sektor ekonomi yang menjadi tumpuan utama graduan bekerja sendiri ialah perniagaan berasaskan perdagangan jual borong dan jual runcit, pembaikan kenderaan (11.6%), sektor pendidikan (9.5%), sektor pembinaan (9.1%), seni, hiburan dan rekreasi (8.7%), dan 7.5 peratus dalam sektor kewangan dan insurans/aktiviti takaful.

- Lima jenis perniagaan utama pula adalah kontraktor binaan/elektrik/paip (11.5%), diikuti pusat tuisyen/taska/tutor/pusat asuhan kanak-kanak (7.9%), percetakan/pengiklanan/grafik (7.9%), perundingan (6.4%) dan jualan langsung (5.0%).
- Sebanyak 34.3 peratus menyatakan pendapatan bulanan mereka adalah RM2000 dan ke atas, 30.0 peratus dalam selang pendapatan bulanan RM1001 – RM2000, dan selebihnya adalah RM1000 dan ke bawah.
- Didapati pendapatan bulanan responden yang bekerja sendiri sangat bergantung kepada kelayakan akademik, iaitu semakin tinggi kelayakan akademik responden semakin tinggi pula pendapatan yang diperolehi. Di samping itu, tempoh menjalankan perniagaan turut mempengaruhi pendapatan bulanan mereka, di mana semakin lama mereka bergiat dalam perniagaan, semakin tinggi pendapatan yang diperolehi.

MAKLUMAT PEKERJAAN GRADUAN ORANG KURANG UPAYA (OKU)

- Daripada seramai 384 graduan OKU yang mendaftar dalam kajian susulan 2011, sebanyak 60.5 peratus mempunyai masalah penglihatan, diikuti masalah fizikal (22.0%), 10.7 peratus menghadapi pelbagai ketidakupayaan (multiple disabilities), 4.7 peratus mempunyai masalah pendengaran dan 2.1 peratus lagi mengalami masalah pertuturan.
- Lima negeri utama tempat graduan OKU bermastautin ialah Selangor (26.0%), Johor (10.7%), Wilayah Persekutuan Kuala Lumpur (10.4%), Perak (7.0%) dan Kelantan (6.8%).
- Sebanyak 59.6 peratus graduan OKU menyatakan pendapatan bulanan keluarga mereka adalah RM2000 dan ke bawah, 22.1 peratus dalam selang RM2001 – RM3000 dan 18.2 peratus berada dalam kumpulan pendapatan keluarga melebihi RM3000 sebulan.
- Peratus tertinggi bagi graduan IPTA dan IPTS adalah lulusan OKU yang mempunyai masalah penglihatan, manakala bagi politeknik adalah graduan yang mempunyai masalah fizikal.

- Status pekerjaan responden OKU secara keseluruhan adalah 59.5 peratus bekerja, dengan 52.5 peratus bekerja sepenuh masa dan 7.0 peratus bekerja secara separa masa. Selain itu, sebanyak 10.7 peratus melanjutkan pengajian, 0.8 peratus menunggu penempatan pekerjaan dan 29.0 peratus tidak bekerja.
- Kadar bekerja sepenuh masa bagi responden OKU adalah 52.5 peratus, iaitu 5.3 peratus lebih rendah berbanding dengan kadar bagi keseluruhan responden. Kadar bekerja separa masa bagi graduan OKU adalah 7.0 peratus, iaitu 2.1 peratus lebih tinggi daripada kadar bagi keseluruhan responden.
- Dalam kalangan responden OKU yang bekerja, sebahagian besar (77.9%) berjaya mendapat pekerjaan pertama dalam tempoh tiga bulan setelah menamatkan pengajian.
- Tiga cara utama bagi responden OKU mendapatkan maklumat pekerjaan adalah rakan/keluarga (32.2%), diikuti oleh internet (30.0%) dan mendapat tawaran daripada majikan semasa menjalani latihan industri (10.6%).
- Mengikut sektor pekerjaan, 64.2 peratus graduan OKU bekerja dalam sektor swasta (tempatan dan multinasional), diikuti oleh sektor kerajaan dan badan berkanun, iaitu 26.6 peratus.
- Sebanyak 52.4 peratus responden OKU bekerja bertaraf tetap, 25.6 peratus bekerja bertaraf kontrak, 18.1 peratus bekerja secara sementara, 2.2 peratus bekerja sendiri dan 1.8 peratus bekerja dengan keluarga.
- Didapati pendapatan bulanan graduan OKU adalah rendah sedikit daripada keseluruhan responden kajian susulan. Majoriti (66.1%) graduan OKU memperoleh pendapatan bulanan RM2000 dan ke bawah, berbanding 51.2 peratus bagi keseluruhan responden susulan dalam kumpulan pendapatan yang sama. Sebanyak 8.0 peratus responden OKU berada dalam kumpulan pendapatan bulanan melebihi RM3000, berbanding 16.8 peratus bagi keseluruhan responden.
- Lima jawatan (mengikut peratusan tertinggi) bagi responden OKU adalah kerani, pensyarah, eksekutif, guru dan pembantu akaun/tadbir.